



Broj: 02/06-04-027296-6/23

Datum: 17.11.2023. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14 i 59/22), sekretar Ureda za zajedničke poslove kantonalnih organa, donosi:

### **ODLUKU o izboru najpovoljnijeg ponuđača**

#### **Član 1.**

Prihvata se Preporuka Komisije iz Zapisnika o ocjeni ponuda broj: 02/06-04-027296-5/23 od 16.11.2023. godine u postupku javne nabavke i isporuke računara i računarske opreme i ugovor će se zaključiti sa ponuđačem „**Neutrino**“ **d.o.o. Tuzla**, ponuda broj: I24-004-1714/23 od 01.11.2023. godine, po ponudenoj cijeni u iznosu od **9.900,00 KM bez PDV-a** nakon održane e-aukcije.

#### **Član 2.**

Ugovor o nabavci dostavit će se na potpis izabranom ponuđaču u roku do 10 (deset) dana, računajući od dana od kada svi ponuđači budu obaviješteni o izboru najpovoljnije ponude.

#### **Član 3.**

Ova odluka stupa na snagu danom donošenja.

### **Obrazloženje**

Postupak javne nabavke pokrenut je Odlukom o pokretanju postupka nabavke broj: 02/06-04-027296/23 od 24.10.2023. godine.

Javna nabavka je provedena putem konkurentskog zahtjeva. Izbor ponuđača izvršen je na osnovu kriterija najniža cijena.

Procijenjena vrijednost javne nabavke bila je 9.914,53 (bez PDV-a). Obavještenje o nabavci broj: 1116-7-1-49-3-60/23 objavljeno je na Portalu javnih nabavki 30.10.2023. godine.

Komisija za provođenje postupaka imenovana Rješenjem o imenovanju Komisije za provođenje postupaka javnih nabavki za potrebe Ureda za zajedničke poslove broj: 02/06-30-011338/23 od 03.04.2023. godine, dostavila je dana 16.11.2023. godine Zapisnik o ocjeni ponuda broj: 02/06-04-027296-5/23 od 16.11.2023. godine, koji ujedno predstavlja i preporuku o izboru najpovoljnijeg ponuđača kao i izvještaj o radu komisije u postupku predmetne javne nabavke.

Iz Zapisnika je utvrđeno da je Komisija za provođenje postupaka blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri);
- da su blagovremeno zaprimljene 4 (četiri) ponude;
- da nema neblagovremeno zaprimljenih ponuda;
- da su ponude ponuđača „Neutrino“ d.o.o. Tuzla i „Fixit“ d.o.o. Sarajevo prihvatljive i ispunjavaju sve uslove i zahtjeve iz konkurentskog zahtjeva za dostavu ponuda;
- da su ponude ponuđača „INTER-COM“ d.o.o. Zenica i „Emado“ d.o.o. Sarajevo ocijenjene kao nepravilne iz sljedećih razloga:
- Ponuđač „INTER-COM“ d.o.o. Zenica je u opisnim karakteristikama monitora, koji će isporučiti, naveo monitor marke HP P22 G4, koji po karakteristikama proizvoda podrazumijeva omjer statističkog kontrasta (Static contrast ratio) 1000:1; koji ne odgovara opisu proizvoda sa minimalnim tehničkim karakteristikama iz ANEX-a III – 0Obrasca za cijenu ponude, kojim je omjer statističkog kontrasta 3000:1. Navedeni omjer statističkog kontrasta monitora kod ostala tri ponuđača je 3000:1, koji su u skladu sa traženim minimalnim karakteristikama proizvoda Obrasca za cijenu ponude;
- Ponuđač „Emado“ d.o.o. Sarajevo je u opisnim karakteristikama monitora, koji će isporučiti naveo monitor marke Lenovo Think Vision S22e-20 21.5“, koji po karakteristikama podesivosti zaslona obuhvata nagib od -5° do +22°, a koji ne odgovara opisu proizvoda sa minimalnim tehničkim karakteristikama iz ANEX-a III - Obrasca za cijenu ponude, a koji po podesivosti zaslona podrazumijeva nagib od -5° do +23°. Bitno je napomenuti da su kod ostala tri ponuđača ponuđeni modeli monitora, koji po podesivosti zaslona podrazumijevaju nagib od -5° do +23, u skladu sa traženim minimalnim karakteristikama proizvoda Obrasca za cijenu ponude.

Uzimajući u obzir sve navedene činjenice, navedene ponude „INTER-COM“ d.o.o. Zenica i „Emado“ d.o.o. Sarajevo se odbacuju u skladu sa članom 68. stav (4) tačka i) Zakona o javnim nabavkama BiH.

Budući da su ponude ponuđača „Neutrino“ d.o.o. Tuzla i Fixit d.o.o. Sarajevo ocijenjene kao prihvatljive i ispunjavaju sve uslove i zahtjeve predviđene konkurentskim zahtjevom za dostavu ponuda, sačinjena je rang lista ponuđača prema kriteriju najniža cijena ponude, kako slijedi:

<b>Redni broj</b>	<b>Naziv ponuđača</b>	<b>Ukupna cijena sa popustom bez PDV-a (KM)</b>
1.	Fixit d.o.o. Sarajevo	9.910,00
2.	Neutrino d.o.o. Tuzla	9.911,50

Obzirom da je održavanje e-aukcije bilo predviđeno konkurentskim zahtjevom, Komisija je zakazala e-aukciju dana 15.11.2023. godine u 14:00 sati, uz predviđeno vrijeme trajanja zakazane aukcije 10 minuta.

Dvije ponude ponuđača „Neutrino d.o.o. Tuzla i Fixit d.o.o. Sarajevo su ocijenjene kao prihvatljive. Nakon završetka e - aukcije, na portalu javnih nabavki [www.ejn.gov.ba](http://www.ejn.gov.ba) je kreiran Izvještaj o toku i završetku e-aukcije, kao i konačna rang lista ponuđača koji su učestvovali na e-aukciji, prema kriteriju najniže ponudene cijene.

Rang-lista ponuđača u slučaju primjene kriterija najniža cijena, nakon održane e-aukcije:

	<b>Naziv / ime ponuđača</b>	<b>Konačna cijena u KM (bez PDV-a)</b>
1.	Neutrino d.o.o. Tuzla	9.900,00
2.	Fixit d.o.o. Sarajevo	9.910,00


Komisija za provođenje postupaka je dala preporuku da se ugovor za nabavku i isporuku računara i računarske opreme zaključi sa ponuđačem „Neutrino“ d.o.o. Tuzla, ponuda broj: I24-004-1714/23 od 01.11.2023. godine, za ponudenu cijenu od 9.900,00 KM (bez PDV-a) nakon održane e-aukcije.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za provođenje postupaka. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača, kao i odbacivanje nepravilnih ponuda, izvršen u skladu sa Zakonom o javnim nabavkama, podzakonskim aktima, internim aktima i konkurentskim zahtjevom.

Ugovorni organ će izvršiti dodjelu ugovora ponuđaču „Neutrino“ d.o.o. Tuzla, čija ponuda je ocijenjena kao najpovoljnija u skladu sa kriterijem za dodjelu ugovora – najniža cijena, te je odlučeno kao u članu 1. dispozitiva ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba ugovornom organu, najkasnije u roku od pet (5) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



**SEKRETAR**

**Zdenka Marijanović, dipl. pravnik**

Dostaviti:

- „Neutrino“ d.o.o. Tuzla
- „Fixit“ d.o.o. Sarajevo
- „INTER-COM“ d.o.o. Zenica
- „Emado“ d.o.o. Sarajevo
- a/a